



საჯარო სამართლის იურიდიული პირი-

განათლების ხარისხის განვითარების  
ეროვნული ცენტრის დირექტორის  
ბრძანება № 349

31 05 2017წ.

ქ. თბილისი

საჯარო სამართლის იურიდიულ პირ - განათლების ხარისხის განვითარების ეროვნულ ცენტრში  
სტაჟიორთა შერჩევის მიზნით კონკურსის გამოცხადების შესახებ

საჯარო სამართლის იურიდიული პირის - განათლების ხარისხის განვითარების ეროვნული ცენტრის (შემდგომში - ცენტრი) პროფესიული და უმაღლესი განათლების დარგობრივი საბჭოების ადმინისტრაციული მხარდაჭერისა და შესაძლებლობების გაძლიერების ხელშეწყობის პროგრამის მენეჯერის, 2017 წლის 02 მარტის №206448 და 2017 წლის 23 მაისის №541328 სამსახურებრივი ბარათების, საქმისწარმოების სამმართველოს უფროსის, 2017 წლის 25 მაისის №553628, იურიდიული სამსახურის უფროსის, 2017 წლის 25 მაისის №554997 და ადამიანური რესურსების სამმართველოს უფროსის 2017 წლის 29 მაისის №562943 სამსახურებრივი ბარათების გათვალისწინებით, საქართველოს განათლებისა და მეცნიერების მინისტრის 2010 წლის 14 სექტემბრის №89/ნ ბრძანებით დამტკიცებული „საჯარო სამართლის იურიდიული პირის - განათლების ხარისხის განვითარების ეროვნული ცენტრის დებულების“ მე-5 მუხლის პირველი პუნქტის „კ“ და „ნ“ ქვეპუნქტების საფუძველზე,

ვ ბ რ ძ ა ნ ე ბ ა :

1. ცენტრის პროფესიული და უმაღლესი განათლების დარგობრივი საბჭოების ადმინისტრაციული მხარდაჭერისა და შესაძლებლობების გაძლიერების ხელშეწყობის პროგრამის, ცენტრის საქმისწარმოების სამმართველოს, ცენტრის იურიდიული სამსახურისა და ცენტრის ადამიანური რესურსების სამმართველოს სტაჟიორების შერჩევის მიზნით, 2017 წლის 31 მაისიდან 2017 წლის 10 ივნისის ჩათვლით, გამოცხადდეს კონკურსი.

2. სტაჟიორობის კანდიდატი უნდა აკმაყოფილებდეს ერთ-ერთ შემდეგ მოთხოვნას:

ა) სწავლობდეს საქართველოს ავტორიზებულ უმაღლეს საგანმანათლებლო დაწესებულებაში, ბაკალავრიატის საგანმანათლებლო პროგრამაზე, იყოს დამამთავრებელი სემესტრის (ბოლო ორი სემესტრის) სტუდენტი და ჰქონდეს მაღალი აკადემიური მოსწრება, ან სწავლობდეს სამაგისტრო ან სადოქტორო საგანმანათლებლო პროგრამაზე;

ბ) იყოს ავტორიზებული უმაღლესი საგანმანათლებლო დაწესებულების კურსდამთავრებული, რაც დასტურდება შესაბამისი უმაღლესი განათლების დამადასტურებელი დოკუმენტით - დიპლომით;

გ) იყოს საქართველოს ქმედუნარიანი მოქალაქე, რომელსაც განათლება მიღებული აქვს კანონმდებლობით დადგენილი წესით აღიარებულ, უცხო ქვეყნის უმაღლეს საგანმანათლებლო დაწესებულებაში, რაც დასტურდება ცენტრის მიერ გაცემული დოკუმენტით უცხოეთში მიღებული განათლების აღიარების შესახებ.

3. კონკურსში მონაწილე სტაჟიორობის კანდიდატს უნდა ჰქონდეს:

- ა) მაღალი პასუხისმგებლობის გრძობა;
- ბ) წერილობითი და ვერბალური კომუნიკაციის უნარი;
- გ) დეტალებზე ორიენტაციის უნარი.

4. სტაჟიორების მიერ შესასრულებელი სამუშაოს აღწერა:

- ა) სტაჟირების ხელმძღვანელის ცალკეული დავალებებისა და მითითებების შესრულება;
- ბ) შესაბამისი სტრუქტურული ერთეულის ხელმძღვანელის დავალებით თანამშრომლების მიერ თავიანთი სამსახურებრივი უფლებამოსილების განხორციელებასთან დაკავშირებულ საქმიანობაში დახმარების გაწევა.

5. სტაჟიორთა შესარჩევი კონკურსი გამოცხადდეს:

5.1. პროფესიული და უმაღლესი განათლების დარგობრივი საბჭოების ადმინისტრაციული მხარდაჭერისა და შესაძლებლობების გაძლიერების ხელშეწყობის პროგრამაში - 2 (ორი) ადგილზე;

5.2. ცენტრის საქმისწარმოების სამმართველოში - 2 (ორი) ადგილზე;

5.3. ცენტრის იურისიული სამსახურის დავების სამმართველოში -1 (ერთი) ადგილზე სტაჟიორად მიიღება პირი, რომლის კვალიფიკაცია ან საგანმანათლებლო პროგრამა, სადაც სტაჟიორი სწავლობს არის: იურიდიული მიმართულება;

5.4. ცენტრის ადამიანური რესურსების სამმართველოში - 1 (ერთი) ადგილზე სტაჟიორად მიიღება პირი, რომლის კვალიფიკაცია ან საგანმანათლებლო პროგრამა, სადაც სტაჟიორი სწავლობს არის: ფსიქოლოგია, ბიზნესის ადმინისტრირება ან ადამიანური რესურსების მართვა.

6. სტაჟირების ვადა განისაზღვროს 3 თვიდან - 6 თვემდე, (ანაზღაურების გარეშე).

7. კონკურსი ჩატარდეს ორ ეტაპად:

- ა) განცხადების გადარჩევა;
- ბ) გასაუბრება.

8. დაევალოს ცენტრის ადამიანური რესურსების სამმართველოს ვებგვერდის, [www.hr.gov.ge](http://www.hr.gov.ge) -ის მეშვეობით კონკურსის გამოცხადებისა და ცენტრის ოფიციალურ ვებგვერდზე, [www.eqe.ge](http://www.eqe.ge), ინფორმაციის განთავსების უზრუნველყოფა.

9. კონკურსში მონაწილე კანდიდატებმა [www.hr.gov.ge](http://www.hr.gov.ge)-ის მეშვეობით განაცხადის შევსებისას აუცილებლად უნდა წარმოადგინონ:

ა) ცნობა უმაღლესი საგანმანათლებლო დაწესებულებიდან ან განათლების დამადასტურებელი დოკუმენტის ასლი;

ბ) ავტობიოგრაფია - (CV) ქართულ ენაზე;

გ) ორი რეკომენდატორი, ვინაობისა და საკონტაქტო ინფორმაციის მითითებით.

დ) კომპიუტერული (საოფისე) პროგრამები (Ms. office)-ის კარგად ცოდნა;

ე) სასურველია უცხო ენის (ინგლისური) კარგად ცოდნა.

10. დაევალოს საქმისწარმოების სამმართველოს ამ ბრძანების დაინტერესებულ პირთათვის გაცნობა და ამ ბრძანების ცენტრის ოფიციალურ ვებგვერდზე, [www.eqe.ge](http://www.eqe.ge), გამოქვეყნების უზრუნველყოფა.

11. ბრძანება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი, 12 კმ., №6) კანონმდებლობით დადგენილ ვადაში და წესით.

დირექტორი

  
თამარ სანიკიძე